

Specialmente pa evento relaciona cu Dia di Mucha

Prinses Laurentien a yega Aruba unda e lo presenta su buki traduci na papiamento

ORANJESTAD – Actualmente ta na Aruba, Su Alteza Real Prinses Laurentien, pa asina hunto cu Minister Michelle Hooyboer-Winklaar, e participa activamente na e eventonan relaciona cu celebracion di Dia di Mucha” y pa presenta otro di su serie di bukinan di Mr. Finney, pero traduci na papiamento.

Diaranson e miembro di Famia Real di Hulanda lo atende un reunion di orientacion na AIB Bank, sigui merdia pa un almuerzo cu Minister Michelle Hooyboer-Winklaar na Cas di Cultura durante celebracion di Dia di Mucha.

Ey e lo hiba palabra tambe dilanti un publico grandi di invitadonan, for di e sector social y di enseñanza. Atardi e lo reuni cu 5 alumno di Colegio Arubano pa elabora riba e buki aki. Tambe SAR Prinses Laurentien lo tene un conferencia di prensa atardi hunto cu Min-

isternan Hooyboer y Dowers pa anochi atende na apertura di e “Koninkrijksexpositie” na e oficina di Representacion di Hulanda na Aruba.

Diahuebs Prinses Laurentien lo bishita Scol Basico Washington, merdia e lo tin un almuerzo cu Young Professional Business People, cu director di ATA y cu representante di ARINA. Diabierna e lo bishita IPA, merdia e lo ta na Parke Nacional Arikok, atardi e lo firma su buki na Boekhandel Van Dorp.

E Prinses tabata di bishita na nos isla algun luna pasa caba hunto cu su famia, unda el a presenta su prome buki traduci na papiamento. Despues di e gran exito, e ta regresa awo pa presenta su di dos buki den nos idioma, mustrandu asina e importancia di nos idioma y di su interes pa nos muchanan tambe siña conoce Mr. Finney mas di cerca. □



Minister Hooyboer den presencia di S.A.R. Prinses Laurentien